

四庫全書

史部

欽定四庫全書

史部

四川通志卷二十二中

詳校官監察御史臣李陽樞

檢討臣德生覆勘

總校官編修

臣

王燕緒

校對官助教

臣

劉景岳

謄錄監生

臣

陳賓

欽定四庫全書

四川通志卷二十二中

兵制

泰寧協額設副將一員 都司一員 千總一員

把總二員

額設馬兵七十五名 步戰兵一百六十七名

守兵二百五十八名

新添馬兵二十名 步戰兵三十名 守兵五十

名

新舊馬步戰守兵共六百名馬九十五匹

以上官兵俱駐劄噶達泰寧城並無分駐雍正十

三年裁移化林坪本年八月四川總督黃廷桂

奏請化林營改為泰寧協

泰寧協改設副將一員

協屬  
五營

左營都司一員 千總一員 把總二員

右營都司一員 千總一員 把總二員

額設馬兵一百名 步戰兵三百七十五名 守  
兵五百二十五名

馬步戰守兵共一千名馬一百匹

一駐劄化林城 副將一員 都司一員 千總二  
員 把總三員

馬步戰守兵七百五十名

一分防瀘定橋汛 都司一員 把總一員 帶領  
馬步戰守兵二百名

一分防泥頭汛 外委千總一員 帶領馬步戰守  
兵四十九名

化林營額設都司一員 千總一員 把總二員  
額設馬兵四十五名 步戰兵九十九名 守兵  
一百五十六名

馬步戰守兵共三百名馬四十五匹

雍正十三年改為泰寧協左營

德靖營額設都司一員 千總二員

額設馬兵八十名 步戰兵一百二十名 守兵二百名

馬步戰守兵共四百名馬八十匹

一駐劄德靖中渡 都司一員

馬步戰守兵二百名

一分防上渡汎 千總一員 帶領馬步戰守兵一百名

一分防下渡汎 千總一員 帶領馬步戰守兵一

百名

雍正十三年裁汰奉

旨欽定寧安營額設都司一員 千總一員 把總一員

額設馬兵六十名 步戰兵九十名 守兵一百

五十名

馬步戰守兵共三百名馬六十匹

雍正十三年裁汰

阜和營額設都司一員 添設千總一員 把總一



員

原額設馬兵二十名 步戰兵六十七名 守兵  
一百十三名

新添設馬兵十名 步戰兵四十名 守兵五十  
名

新舊馬步戰守兵共三百名馬三十四

一駐劄阜和 都司一員 千總一員 把總一員  
馬步戰守兵二百一十八名

一分防打箭爐汛 外委把總一員 帶領馬步戰  
守兵五十名

一分防惠遠廟汛 外委把總一員 帶領馬步戰  
守兵三十名

黎雅營額設遊擊一員 守備一員 千總二員  
把總四員

額設馬兵八十名 步戰兵一百三名 守兵二  
百七十三名

新添撥馬兵四名 步戰兵十六名 守兵二十

四名

馬步戰守兵共五百名馬八十四匹

駐劄雅州府城 遊擊一員 千總一員 把總

一員

馬步戰守兵二百八名

一分防榮經縣汛 外委千總一員 帶領馬步戰

守兵三十名

一分防清溪縣汛 守備一員 把總一員 帶領  
馬步戰守兵八十名

一分防富林營汛 把總一員 帶領馬步戰守兵  
四十名

一分防天全州汛 千總一員 帶領馬步戰守兵  
五十名

一分防蘆山縣汛 外委把總一員 帶領馬步戰  
守兵二十九名

一分防名山縣汛 把總一員 帶領馬步戰守兵  
三十名

一分防蒲江縣汛 外委把總一員 帶領馬步戰  
守兵三十名

我邊營額設遊擊一員 守備一員 千總二員  
把總二員

額設馬兵七十八名 步戰兵八十五名 守兵  
三百三十七名

馬步戰守兵共五百名馬七十八匹

一駐劄義眉縣城 遊擊一員

馬步戰守兵一百名

一分防太平墩汛 守備一員 帶領馬步戰守兵

七十一名

一分防嘉定府汛 千總一員 帶領馬步戰守兵

八十名

一分防歸化堡汛 千總一員 帶領馬步戰守兵

八十名

一分防捲木池汛 把總一員 帶領馬步戰守兵

五十名

一分防直隸眉州汛 把總一員 帶領馬步戰守

兵五十名

一分防夾江縣汛 外委千總一員 帶領馬步戰

守兵五名

一分防洪雅縣汛 外委把總一員 帶領馬步戰

守兵五名

一分防捷為縣汛 外委把總一員 帶領馬步戰

守兵五名

一分防威遠縣汛 外委把總一員 帶領馬步戰

守兵五名

一分防榮縣汛 外委千總一員 帶領馬步戰守

兵五名

一分防彭山縣汛 外委千總一員 帶領馬步戰



守兵五名

一分防丹稜縣汛 外委把總一員 帶領馬步戰

守兵五名

一分防青神縣汛 外委把總一員 帶領馬步戰

守兵五名

一分防太平汛 外委把總一員 帶領馬步戰守

兵二十名

以上除化林德靖寧安三營裁改外其阜和黎雅

我邊等營俱屬泰寧協管轄

成都城守額設叅將一員屬三營

左營守備一員 千總二員 把總三員

右營守備一員 千總二員 把總三員

額設馬兵二百四十名 步戰兵三百六十六名

守兵七百九十四名

馬步戰守兵共一千四百名馬二百四十匹

雍正七年為敬陳管見事案內因經制千把總不

敷防汛設外委千把總一十二員駐防各州縣以  
資彈壓

一駐劄成都府城 叅將一員 守備一員 千總  
三員

馬步戰守兵七百十七名

一分防簡州汛 外委把總一員 帶領馬步戰  
守兵四十四名

一分防資陽縣汛 外委把總一員 帶領馬步戰

守兵四十三名

一分防直隸資州汛 外委把總一員 帶領馬步

戰守兵三十三名

一分防內江縣汛 把總一員 帶領馬步戰守兵

三十六名

一分防井研縣汛 提標撥外委把總一員 帶領

馬步戰守兵十二名

一分防仁壽縣汛 提標撥外委把總一員 帶領

馬步戰守兵十六名

一分防新都縣汛 把總一員 帶領馬步戰守兵

三十名

一分防漢州汛 外委千總一員 帶領馬步戰守

兵二十名

一分防德陽縣汛 把總一員 帶領馬步戰守兵

三十一名

一分防羅江縣汛 外委千總一員 帶領馬步戰

守兵二十一名

一分防金堂縣汛 外委把總一員 帶領馬步戰

守兵十二名

一分防彭縣汛 提標撥外委把總一員 帶領馬

步戰守兵十二名

一分防新繁縣汛 提標撥外委把總一員 帶領

馬步戰守兵十二名

一分防雙流縣汛 外委把總一員 帶領馬步戰

守兵二十五名

一分防新津縣汛 外委千總一員 帶領馬步戰  
守兵三十名

一分防直隸邛州汛 守備一員 外委千總一員  
帶領馬步戰守兵一百十三名

一分防溫江縣汛 提標撥外委把總一員 帶領  
馬步戰守兵十二名

一分防崇慶州汛 千總一員 帶領馬步戰守兵

二十二名

一分防大邑縣汛 把總一員 帶領馬步戰守兵

二十名

一分防郫縣汛 外委把總一員 帶領馬步戰守

兵二十三名

一分防崇寧縣汛 提標撥外委把總一員 帶領

馬步戰守兵十四名

一分防灌縣汛 把總一員 帶領馬步戰守兵三



十三名

一分防綿竹縣汛 把總一員 帶領馬步戰守兵

三十三名

一分防什邡縣汛 外委把總一員 帶領馬步戰

守兵十二名

一分防安縣汛 外委千總一員 帶領馬步戰守

兵十二名

潼綿營額設都司一員 千總一員 把總二員

額設馬兵六十名 步戰兵五十六名 守兵一

百八十四名

馬步戰守兵共三百名馬六十匹

一駐劄潼州府城 都司一員 把總一員

馬步戰守兵一百三十一名

一分防葫蘆溪汛 外委千總一員 帶領馬步戰

守兵十名

一分防豐谷井汛 外委把總一員 帶領馬步戰

守兵六名

一分防直隸綿州汛 千總一員 帶領馬步戰守  
兵七十八名

一分防魏城汛 把總一員 帶領馬步戰守兵六  
十名

一分防中江縣汛 外委把總一員 帶領馬步戰  
守兵十二名

題全川經制官兵疏

總督四川軍務兼理糧餉 太子少保兵部尚書  
都察院右副都御史加二級李國英

題為全川之土宇既定綢繆之計畫宜周再酌經制  
請

賜設立以固封疆以垂永久事竊臣庸碌凡材謬荷專督  
蜀省之任受

命以來朝夕冰兢凡有關於飭武籌邊之計者職守所在  
講求不遺餘力惟是川疆遠在天末番獍羌苗三

面偏處備禦稍疎即有窺關之警而且幅幘廣闊  
河山巖險往往不逞之徒憑倚嘯聚致煩士馬戡  
定經年累歲然後削平稽之往制置戍設防較他  
省為倍密蓋形勢使然耳明末盜起獻逆乘亂竊  
據殺戮之慘古今未有幸賴

大兵弔伐元惡伏誅而流毒餘氛漸染成習於是  
有姚黃等賊之盜弄有本地官頭之肆虐再經滇  
寇劉文秀盤踞西南煽誘下東諸逆抗我顏行而數

千餘里封疆莫非梟獍縱橫之所矣順治十五年

仰仗

天威首恢重遵聲教所被上下川南及川西建昌等處次

第牧寧於是

臣奉

命駐鎮重慶撫順剿逆下游底定而劉李郝袁等寇尚負

固梗阻於秦楚蜀三省之交

臣志憤逋誅沐浴請

討滿漢軍兵會合巨憝一一誅鋤屈指蜀亂以及

蜀平者二十餘年於今矣我

國家混一海宇

天戈所指立奏廓清獨此一隅之境土百戰艱難然後全  
歸版籍豈非形勢險阻伏莽易生之故耶今提封  
內外氛侵俱消而臣實有鯁鯁過計者蓋地方雖  
經平定然向為逆賊久踞之區又東南一帶地雜  
土苗深山密箐之中多有漏網賊徒潛藏隱伏莫  
可稽察日久黨聚竊發難防如數年之間郝承裔  
復叛於雅黎朱奉鎰等作亂於叙馬白應龍倡變

於柴厰吳天民發難於江安皆掠地劫城戕官奪  
印雖旋即殄除而殘黎又經蹂躪元氣不無傷損  
揆厥所由皆以防禦之將兵未設汛守之責任不  
專即使懲前毖後調撥駐防終是補救一時不足  
行之經久然則未雨徹桑之算永垂畫一之規其  
尚可視為緩圖乎臣查順治九年分固山額正伯  
墨勒根蝦有酌定經制一疏部議俟全川恢復之  
日另行酌定等因到案十餘年以來有已經設立



者有尚未設立者續臣於十三年撫蜀時將松龍威疊等營路各兵酌其衝緩議為增汰疏請施行部議錢糧匱乏不便輕議增添應將見在官兵通融調撥防禦俟蜀中大定再為酌議奉

旨欽遵在案又康熙元年內該臣准四川提督移覆臣為請

旨事咨內議將奉裁撫標兵內以一千名設立靖遠一營臣具疏上請部議成都省會既設城守營不便另

設靖遠營行令臣及提臣查照通省緩急逐一詳議妥確一併具題到日再議等因奉

旨欽遵在案今全川恢復已經大定所當凜遵再為酌議詳議妥確之

俞旨酌量緩急因地設防用垂久遠誠此日之急務矣但布置貴乎審勢而權變在乎因時無論九年至今閱時已久即如十六年分臣率師抵渝之初其渝城地當衝要一疏議於瀘州綦江涪州合州達州

五處各設遊擊一員兵一千名奉

旨允行尚未設立蓋因其時上下游俱未靖也今逆孽消  
除內如合達二州應為酌設其瀘州綦江涪州三  
處俱可不煩設立以省糜費大約時勢既有更易  
籌措自當變通豈得執一成之見而刻舟以求哉  
臣廣詢博諮再與提臣往復詳酌其間或照舊設  
或議新增或昔所減而今增或昔所增而今減總  
期於損益至當為久安長治之圖而已為此具

題仰乞

睿裁

總督四川軍務兼理糧餉 太子少保兵部尚書  
都察院右副都御史加二級李國英

題為請設建昌經制以垂永久事康熙元年六月初  
六日據鎮守建昌總兵王明德咨呈准署建昌道  
事張元凱手本會議邊防等因到臣該臣看得建

昌五衛在蜀之西南隅自大渡河而南皆崇山峻

嶺延袤千五百餘里北極於雲南金沙江其間環  
列番獠無邊內邊外之分止恃城堡戍守以資保  
障向分為五大汎地除各衛所軍丁屯戍之外又  
設立營伍兵將聯絡星羅而殺掠跳梁猶無虛日  
迄於今則軍丁逃故城堡丘墟該固山額正侯墨  
勒根蝦題設全省經制部覆有俟全川恢復之日  
臣部另行酌定之語遵奉在案今該邊既入版圖  
所有原題經制應行照設以垂經久但十年以來

時勢不無更變衝緩又當通融臣未據該鎮之先業將全川邊防經制與提臣再四籌審其間斟酌損益已有公議茲據鎮道會議開列應設要隘並擬應補職名前來臣覆查九年分題定原額及與提臣覆酌經制有原題之額鎮道為之變通者有鎮道之議臣又為之變通者總之因時地之緩急為設防之輕重期於垂畫一安邊境而已臣謹臚列為我

皇上陳之 一建昌原定經制設總兵一員中左右三營  
遊擊三員戰兵三千名今已設立不議外 一會  
川衛原定經制設協守一員中軍都司一員戰兵  
一千名城守遊擊一員中軍守備一員守兵一千  
名鎮道議將協守官兵移駐越嵩其遊擊官兵照  
議設立該臣看得會川與雲南止隔一江為五衛  
藩垣九年分因滇寇密邇故議協守今滇雲底定  
協守官兵可以不設應照設遊擊一員中軍守備

一員不用城守名色兵一千名半戰半守仍照川  
省馬三步七之例查得左路鎮裁缺旗鼓守備見  
奉委署會川遊擊事張國威武畧超羣深明行陣  
堪以補授會川遊擊其中軍守備應以建昌鎮隨  
征守備馬希補授同駐會川 一越雋衛原未定  
有經制鎮道慮該衛孤懸議將會川協守改設該  
衛該臣看得越雋為進建門戶與建城遠隔相嶺  
聲援難通且番猺偏處誠宜設防但寧越設有官



兵與該衛足相掎角今議增設守備一員守兵五百名查得該鎮左營左哨千總楊正勞著俸深堪以補授前缺駐防越雋一寧越原定經制守備一員守兵五百名鎮道議照舊設立該臣看得寧越守備兼轄寧番越雋二衛北控瀘河最稱衝要應照原題設立但守備舊駐鎮西所今應如鎮道之議移駐河南站查得該鎮右營中軍守備駱光遠捍禦勤勞堪以補授前缺駐防河南站所遺右

營中軍守備員缺應以該鎮右營千總王希舜頂  
補一冕山所原未題設經制鎮道以其地當極  
衝但未入經制不便請設議以建昌城守官兵改  
駐該邊該臣看得建昌既有鎮臣駐鎮其原定城  
守遊擊一員中軍守備一員守兵一千名可以不  
設冕山居建越寧之中為涼山逆獍出沒要路應  
增設遊擊一員中軍守備二員兵一千名馬三步  
七半戰半守查得投誠副將奉委署行都司事寇

坤才幹通敏久戍巖疆且自備親丁甲馬防禦宣  
勞堪以補授冕山遊擊其中軍守備應以該鎮隨  
征都司孫炳補授同駐冕山 一會鹽原定經制  
設守備一員守兵五百名鎮道議照舊設立該臣  
看得河西守備兼轄會川鹽井二衛地方應如議  
照設查奉委道標中軍守備今奉裁缺林大受拮  
据著勞堪以補授前缺駐防河西 一化林坪原  
未定有經制鎮道將化林列於衛所之內議設立

官兵該臣看得化林坪係打箭爐通商行茶大道  
番部叢雜應增設守備一員守兵五百名查得建  
昌鎮標中營千總楊鵬翎征剿有功堪以補授前  
缺駐劄化林坪以上酌地因時裒多益寡其應設  
兵丁四千名與原定四千之經制符合而擬授各  
官皆久歷戎行熟習邊務人地相宜足堪任使至  
各營應設千把總俟奉

旨之日容

臣

選委報部各隘兵丁亦俟

俞允後除各官原帶兵丁之外有不足額行令鎮臣於該邊招募者也除全川經制臣另疏題請各官履歷功次備造清冊送部查覈外臣謹會同撫臣佟鳳彩合詞具

題伏乞

睿鑒勅部議覆如果臣言不謬即將張國威等照缺補授施行

川陝總督臣岳鍾琪為

奏請川省應行事宜仰祈

睿鑒等事疏稱打箭爐之外中渡河口係通西藏要隘不可無兵彈壓應將化林協守備移駐中渡建立土城撥把總一員兵二百名隨往分防其建城與官兵房屋容臣咨商撫提兩臣酌量建造等語應如所請准其將化林協守備帶領把總一員兵二百名移駐中渡其建立土城官兵房屋之處該督會商四川撫提酌量捐造又奏稱保縣在大河之南

為土番出入隘口防汛不可不增請撥威茂營千  
總一員帶兵一百名移駐保縣以資防禦其應支  
月糧即以威州所征夷糧就近支給等語應如所  
請將威茂營千總一員帶兵一百名移駐保縣又  
奏稱建昌所屬越嶲衛地方甚為遼闊每多蠻獠  
出沒搶奪今僅設守備一員兵二百五十名實難  
分撥防禦請改設遊擊一員現在守備即為中軍  
再添千總一員把總一員兵二百五十名分防彈

壓等語應如所請准其改設雍正元年三月初三

日具

題奉

旨依議

川陝總督臣岳鍾琪

奏稱建昌為邊疆重地番蠻初附應擇緊要之處分  
汛防範加兵彈壓如越雋所屬柏香坪為普雄番  
蠻出沒之所雖增遊擊千總馬步官兵止可防範



白沙溝並相嶺一帶而於普雄鞭長莫及請於柏香坪建修土城蓋造官署兵房設守備千把總各一員馬一步九兵三百名駐防一冕山貼近乾縣為諸夷門戶番蠻出沒難以稽查原額兵五百五十名分撥塘汛不足分佈請於乾縣修造土城蓋造官署兵房增設遊擊一員中軍守備一員千總二員把總四員馬一步九兵五百名駐防一寧番夷多漢少僅有把總一員兵五十名未能防

守請將晃山營中軍守備移駐寧番衛城增添馬一步九兵二百五十名 一寧越地方廣遠塘汎稀疏原額兵二百五十名不足分佈請將寧越守備改設都司增添千總一員馬一步九兵一百五十名 一會鹽營僅設守備一員把總一員兵丁二百五十名不能彈壓請增設遊擊一員千總二員把總一員馬一步九兵二百五十名駐劄鹽井衛其原設守備改為中軍守備帶把總一員馬步

兵一百名移駐河西鹽井一汛夷人雜出必添設官兵分汛防範腊汝窩獻出黑鹽井煎鹽辦課須不時巡查一會川在萬山之中係涼山後路所屬披砂地方為夷巢咽喉原設遊擊一員馬步兵五百名不能兼制請於披砂修建土城蓋造官署兵房增設遊擊一員中軍守備一員千總二員把總四員馬一步九兵五百名駐劄防守各營汛添設兵共一千九百五十名一建昌東有木托係

涼山夷人必由之徑原設千總一員兵七十名不足防範請於建昌鎮標抽發中營守備一員帶兵八十名合原額兵共一百五十名駐劄木托一建昌西北有熱水係大小涼山出入要地請於熱水修建土城蓋造官署兵房於建昌鎮標抽發右營遊擊一員千總一員帶兵二百五十名駐劄熱水等因奉

旨依議

川陝總督臣岳鍾琪疏稱潘州與河州松潘為犄角潘州無兵則西寧與松潘聲息相隔請於潘州設副將一員守備二員千總四員把總八員兵丁一千二百名兩河口設守備一員把總一員兵丁三百名令潘州副將兼轄松潘鎮總兵統轄每年糧餉照松潘之例折給雍正三年十月二十七日奉

旨依議

川陝總督臣岳鍾琪於雍正三年六月二十八日  
奏稱越雋一營地方遼闊蠻多漢少且路當孔道為  
滇蜀來往咽喉誠屬緊要曾經題請改設遊擊現  
在守備即為中軍再添千把總各一員以資彈壓  
查越雋營除原設守備一員把總一員馬步兵丁  
二百五十名外雍正四年十月初四日題新增遊  
擊一員千把總二員馬兵三十五名步兵三十名  
守兵一百八十五名營馬三十五匹奉

旨依議

巡撫四川等處地方提督軍務都察院右僉都御

史臣憲德謹

題為請

旨事謹准部咨據提督黃廷桂

奏稱新設柏香靖遠永定等處修築城垣兵舍一事  
先經行據寧遠府知府杜士秀約估銀六萬九千  
餘兩通報經督臣岳鍾琪駁飭曾委文武再行逐

處確估定議現在另委文武挨次會勘確估茲於  
雍正七年閏七月十八日據建昌鎮臣趙儒咨稱  
新設之柏香靖遠等營均處夷藪添設官兵原以  
資其彈壓雖以飭令分撥各為防範因未築城蓋  
房各兵露處值今歲雨水連綿委難久居衆兵懇  
切具呈各營將備轉請咨商迅即委員備辦工料  
早建城房俾得各安寧宇等情但營汛遼闊營造  
之頭緒繁多每至一處動需匝月方能估報必至



蹉跎時日轉盼入冬土脈不堅難以築城且所需磚瓦木植釘板灰石蠻方無現成物料可以購買必須預備物料况營制已定汛防已設則建造城垣修葺兵房尤不可緩等因咨商到臣臣等公同商酌建昌鎮趙儒所議似屬允協仰懇

天恩即勅部先撥庫銀二三萬兩檄發該管地方各官先期備辦物料俟所委文武確估詳報定議具題之後即可動功修築其不敷銀兩一併題請補撥統

於工竣之時造冊核銷公帑原無糜費而城房即可及時建造似於防守邊荒重地不無裨益等因  
摺奏雍正七年八月二十五日奉

旨着照該撫等所請行該部知道

候補京堂

臣

趙殿最謹

奏為遵

旨議奏事於雍正七年七月二十九日准署川陝總督

臣

查郎阿奏稱據川陝總督

臣

岳鍾琪

奏稱噶達地方議設官兵之外若再有道路與別處相通亦須安兵防汛臣等遠在西安未能詳細周知仰懇

勅諭現在辦理廟工之趙殿最等再加查勘酌議具

奏等語查趙殿最等雖在噶達辦理廟工恐於彼地形勢亦未能周知熟悉現今任國榮駐防噶達應令趙殿最等會同任國榮詳察形勢細看各處要口將應添設防汛之處妥議具奏等因到臣等

伏查防汛地方關係緊要廟工將次告竣達賴喇  
嘛移駐噶達所當設汛之處更不容緩臣任國榮  
因現在裡塘防護未敢擅離專差隨營松潘守備  
高含畧赴噶查踩隨據該守備將各處隘口踏明  
繪圖前來與臣等訪聞無異但添設汛防必須佈  
置周詳方能垂久若非親身閱歷恐未妥協緣臣  
等在噶在裡相隔尚遙各有端責弗克會齊往勘  
臣等隨議臣諾穆圖帶領守備高含畧自噶達起

程前去逐一細加詳察勘明回噶臣等查得噶達西北一百七十里地名靈雀寺乃西藏往來之大路北通青海草地西連甘孜霍耳得爾格一帶土司東與革什緙交金川司雜谷等處接壤南則直達四川雲南交界誠為噶達後身要隘臣等細加商酌應於靈雀寺添設守備一員把總一員兵丁二百名以資防範總歸該協副將統轄此改設官兵請交四川提臣照例題補召募其官舍兵房

亦照原奏交四川撫臣速為辦理自噶達至靈雀寺一路則有沙普隆一口亦係通青海之路並納布林山甲帕口過靈雀寺三十餘里則有蘇魯甲新楚喀二渡即在吹音堡之東雖詢據土人僉云甲新楚喀一帶河口遇水淺時在在皮船可渡各處行人不絕等語而來往之人槩不能飛越靈雀寺總口且此數處俱附近靈雀寺應令該守備即於駐劄靈雀寺兵內酌派安設塘汛至於噶達地

方南有押納溝下八義二口東有榮果拉西有燒  
巫石二口北有榮若撮牙並阿玉拉堡三口俱係  
附近噶達應令該副將即於駐劄噶達兵內酌派  
安設塘汛如此庶與上中下三渡及吹音堡聲援  
聯絡而於噶達地方尤為嚴密矣謹將形勢四至  
繪圖敬呈

御覽外臣等合詞謹

奏伏乞

皇上睿鑒勅部議覆施行

兵部議覆四川提督黃廷桂疏稱雷波土司楊明義不思奉公報効竟敢縱逞部落滋擾邊方仰賴宸謨之明斷剿撫兼施苗疆既皆底定自應改設流官漸施教化俾番民咸知禮義各安其居前經部議令臣復與署督臣岳鍾琪撫臣憲德會同確議今臣會商確議俱與臣意見相同應請仍照前議改設流官以重職守等因具題前來查先據該提督黃



廷桂奏稱雷波黃螂內附伊始庶務尚簡暫可不設州縣應請酌設衛守備一員駐劄雷波所千總一員駐劄黃螂專管招民給墾聽斷詞訟收納科則給放糧餉化導夷獮等事其千總一員應行案件俱聽該衛守備查核管理奉

旨議令遞行委署但雷波黃螂議又疏稱雷波黃螂歸附伊始其增設遊守等官必須熟悉地利夷情幹練之員方克資其駕馭查敘馬營遊擊鄂世威練達

營務供職勤勉現今駐防雷波熟悉情形以之調補雷波遊擊其中軍守備員缺揀選得川北鎮標中營千總王治泰久歷戎行諳練營伍歷著勞績洵稱幹練之員請補雷波中軍守備又黃螂守備員缺查重慶鎮標左營守備毛龍甲歷練老成辦事勤敏現派駐劄黃螂苗民畏悅以之調補黃螂守備均於苗疆有益再查黃螂為雷波必由之徑其新設守備應令雷波遊擊兼轄仍歸永寧協統

轄其新設二營仰懇

欽賜佳名更鑄給遊擊守備關防等語查四川省隨征大  
小官弁並陸續地方所出員缺雖近經大學士會  
同臣部遵

旨依議欽遵在案應毋庸再議但係新設員缺必得熟  
悉夷情駕馭得宜之員庶於苗疆有益今該提督  
黃廷桂既稱遊擊鄂世威練達營務供職勤勉熟  
識雷波情形千總王治泰久歷戎行諳練營伍歷

著勞績守備毛龍甲歷練老成辦事勤敏現駐黃  
螂苗民畏悅等語應如所請遊擊鄂世威准其調  
補雷波遊擊千總王治泰補授雷波中軍守備守  
備毛龍甲調補黃螂守備歸入雷波遊擊兼轄永  
寧副將統轄各給與劄付令其赴任其雷波黃螂  
二營臣部已送內閣撰擬佳名進

呈恭候

欽定至於遊守各員關防移咨禮部鑄給又疏稱雷波黃

螞請添兵丁一千二百名現照數招募壯健遵照  
原議分汛防守但此項新招兵丁一並遣赴雷波  
黃螞更換各營留駐兵丁回營則舊兵一時盡撤  
新兵俱皆未諳似應陸續募補即陸續遣發將留  
駐各營兵丁節次換回俾新兵得以隨衆學習營  
伍其應支糧餉以入伍之日為始分別馬一戰四  
守五起支餉糧照依部議於春秋二季折支闕給  
等語查招募新兵必須隨衆學習方能諳練營伍

熟悉苗情亦應如所請令其陸續募補即陸續遣發將留駐各營兵丁節次換回其糧餉准於入伍之日遵照原議於春秋二季折支闕給造冊報部又疏稱馬邊營原額兵二百四十名增設馬步兵一百六十名共足四百名之數應俟招募足額即由該營抽兵八十七名並西寧舊設之兵十三名共足兵一百名添防西寧其原駐石角之把總既經移駐西寧查石角現駐兵丁二十七名應於馬

邊營撥外委一員統領防守再於馬邊營撥兵五十名派該營外委一員帶領在於石角西寧隘適中處所沙灣地方駐劄其應支糧餉統於馬邊營按季請領分散至西寧沙灣二處及寧番派派之千總兵丁並建昌鎮屬西溪汎地添派之守備兵丁所需官署兵房應請一並建造等語查馬邊營西寧隘添設兵丁先經戶部議准在案其作何招募及一應支給糧餉並西寧隘石角二處應於何

處駐劄及添撥弁兵行令該提督會同巡撫憲德  
確議具奏今該提督請於西寧隘石角沙灣等處  
宜抽調兵丁派撥外委分汛防守其各營糧餉統  
於馬邊營支領亦應如所請造具清冊報部查核  
可也

川陝總督臣岳鍾琪為遵

旨議覆事接准提督四川黃廷桂咨稱潘州一境東北遙  
通洮州河州其間橫繞雜處者有竹利鐵布鹿哨



甘家等番西通歸德西寧中有合壩上下作革播  
下等番及插漢丹津等部落住牧西南有阿壩郎  
墮郭羅克毛兒革等種悍夷是潘州實為邊塞重  
地若潘州無兵不但西寧松潘由草地一路聲息  
相隔即各處番夷或久經內附或剿撫方新悉隸  
於漳臘一營管轄誠恐鞭長莫及且松潘譬之內  
戶黃勝關譬之堂奧潘州譬之門庭而專事堂奧  
非計之得其潘州安設官兵之處實為一方屏障

似應仍照原議惟兩河口去黃勝關僅二十里而距潘州三百八十餘里中橫羊膊嶺路屬迢遙前議於兩河口安設官兵似與潘州聲息尚覺隔越查包坐之達建寺地方距潘州一百八十餘里距黃勝關二百二十里為潘州黃勝關適中之地且達建寺遠東北由挖藥而至羊崗僅一百二十餘里似應將議設兩河口官兵改設達建寺聲息乃為聯絡並開闢達建至挖藥羊崗路道安設塘汛

以資控馭而兩河口雖逼近黃勝關但係四通要隘應即於黃勝關設駐劄之兵酌量分防布置更屬周密查文縣等處去潘州計程祇七八日即至將來潘州營制設立之後商民趨利奔集其米糧食物自有擔負販運而來者再為相地屯種其及時設法積貯自可接濟兵食至黃勝關係漳臘潘州之咽喉查黃勝關原額設有漳臘營之汛兵五十名未免單弱須增兵以資聲援今潘州達建寺

既已安設則漳臘舊管之包坐五寨並新撫之阿  
細巴細上下作革合壩屋藏甲四播下轄漫鐵布  
等處地方自應統歸潘州就近管轄再將漳臘營  
分防流沙東勝雄溪紅花羊裕塘舍壇邪谷粟高  
圭等處塘汛兵丁盡行抽撤添撥一百五十名歸  
黃勝關合之黃勝關原額設兵丁五十名共足兵  
丁二百名將漳臘營守備移駐黃勝關內可為松  
潘之屏蔽外可為達建潘州等營之犄角其龍安

營雖屬內地但查該營地方遼闊且東北接壤陽平階文實為秦蜀之扼塞必得叅將彈壓似不宜議請移駐漳臘再查南坪地方險要番人出沒不常似應增兵稽查防範而小河地方雖汛防二百餘里界在內地無庸重兵應如所請將小河營遊擊帶兵一百五十名移駐南坪合之南坪現設兵三百名共四百五十名以資彈壓者也再查漳臘營與松潘鎮中右兩營向日所轄營汛叅錯不便

統轄應分別就近管束以專責成如漳臘營分防之流沙關汛距松潘鎮中營較近應歸併松潘鎮中營管轄而流沙關汛舊管之牟泥拈佑墊霧七布我眉喜及新撫之毛兒革蛇灣等處一併歸之松潘鎮中營管轄似屬利便其漳臘營舊管雄溪紅花東勝谷粟高塋羊裕塘舍壇邪等堡以及元壩泥巴等寨去漳臘稍遠遠則稽查地方約束蠻番恐有不周莫如就近歸於汛少之松潘鎮右營

管轄易於為力其漳臘舊管之寒盼商已祈命並  
新附之出個阿壩郎墮郭羅克仍隸漳臘管轄以  
資控制如此則彈壓各得其便軍勢倍覺聯絡於  
邊方似有裨益等因移咨前來臣查龍安一營雖  
係內地但地方遼闊為秦蜀四通扼要之區必須  
叅將一員方克彈壓不便議調移駐漳臘惟查南  
坪一營實處險要番人出沒不常似應增兵防範  
查小河營現在內地守備一員足資汛守應如鎮

臣張元佐所議將小河營遊擊移駐南坪一轉移  
間於行伍俱屬有益臣等詳加酌核均屬妥協前  
因提臣黃廷桂正在領兵剿撫建昌等處而臣上  
年亦因辦理西路軍務是以暫緩會奏今仰荷

天威各番悉已歸誠就撫所在汛防自宜因時損益斟  
酌變通以期鞏固邊方於永遠但臣知識短淺應  
否如提臣黃廷桂所議增設駐防歸併管轄之處  
非臣所敢擅便等語臣等看得督臣岳鍾琪既稱



與提臣黃廷桂所議均屬妥協應如所請行令該督撫提臣遵照施行並知照兵部可也奉

旨依議

兵部議覆為敬陳營汛情形請

旨量加裁改以益地方以節糜費事雍正十三年四月

初五日准總督四川臣黃廷桂咨稱設立官兵彈壓地方原宜相度地勢情形隨時佈置今建昌鎮轄之普雄等處各種生番該督既稱皆歸誠向化

則從前所設營制自宜另為酌定使兵無閑曠餉  
不糜費方於邊疆有益應如該督所請將永定營  
裁去守備一員千總一員把總一員兵二百名止  
留千把總三員兵三百名將遊擊改為都司帶領  
駐劄冕山營裁去守備一員千總一員把總二員  
兵三百名止留千把總三員兵三百名將遊擊改  
為都司仍駐冕寧令瀘寧營叅將兼轄其冕山原  
管龍潭溝登相嶺一帶地方歸於附近之靖遠營

管轄柏香營都司一員千總一員把總一員兵三百名盡行裁汰原管夷民歸併越雋營管轄至所裁都司守備千把俱留本省遇缺補用馬步兵除撥歸越雋黎雅二營外所餘兵丁令其陸續裁汰

又

奏稱越雋路當孔道番寨稠密又歸併柏香一帶地方汛防遼闊原設遊擊一員守備一員千總一員把總二員馬一步九兵五百名尚不足以壯聲勢

而數分布應請將議裁併兵內抽撥千總一員把  
總二員馬一步九兵一百名歸隸越雋令越雋營  
守備帶領把總一員兵一百二十名分隸柏香倚  
角防守併請將遊擊員缺改為叅將照雲南之例  
以叅將照倖陞轉仍食游擊原俸其寧越營  
都司附近越雋應歸改設叅將兼轄至黎雅一營  
為建昌西爐兩路總匯差使絡繹且又添防天全  
始陽碶門等處邊口既屬煩多該營額設兵四百

五十六名實所不敷應請於議裁兵內抽撥馬一步九兵四十四名添歸黎雅共足五百名以資應用等語亦應如該督所請越雋於額設官兵外即將議裁千把兵內抽撥千總一員把總二員馬一步九兵一百名歸隸越雋管轄令越雋營守備帶把總一員兵一百二十名分防柏香營至越雋營遊擊改為叅將照雲南之例以叅將陞轉仍食遊擊原俸將寧越營都司歸於該叅將兼轄其

黎雅營額設兵丁四百五十六名該督既稱實所  
不敷應准其於議裁兵內抽撥馬一步九兵四十  
四名共足五百名以資應用可也等因奉

旨依議

兵部議覆為請撤泰寧協營等事雍正十三年五  
月二十一日准總督四川臣黃廷桂咨稱調撥營  
制添減兵丁必須相度形勢因地制宜方與邊疆  
有益今該督既請將四川泰寧寧安德靖三營兵

丁一千三百名副將一員都司三員千總四員把  
總三員一併減撤令泰寧副將率領減撤兵丁七  
百名合之化林兵丁三百名共兵一千名駐劄化  
林分為左右二營酌設都司二員千總二員把總  
四員以昭體制即派協標右營都司帶領把總一  
員兵二百名分防瀘定橋又酌撥外委千總一員  
帶兵五十名駐防泥頭除化林原有都司一員千  
總一員把總二員外其餘議增都司千把等弁即

以減撤之都司一員千總一員把總二員撥補毋庸添設至阜和營止有都司一員把總一員兵二百名操防不足請於減撤弁兵內量撥千總一員兵一百名增隸該營以資分佈其餘減撤之都司一員千總二員把總一員兵五百名應請裁汰再黎雅戎邊二營仍歸化林副將管轄至於惠遠廟現有喇嘛留駐於阜和營就近輪派把總或外委一員帶兵三十名駐防泰寧按季更換所有撥設



弁兵應需衙署營房請照例建造其議裁之都司  
千把等弁仍留川省題補兵五百名陸續開除等  
語均應如該督所請准其將泰寧寧安德靖三營  
官兵俱行減撤即令泰寧副將帶兵七百名合化  
林原有之兵丁三百名共一千名分為左右二營  
除化林原設都司千把總外即以泰寧減撤之都  
司一員千總一員把總二員撥補令右營都司帶  
領把總一員兵二百名分防瀘定橋撥外委千總

一員帶兵五十名駐防泥頭黎雅義邊二營仍歸  
化林管轄至阜和營除原設官弁兵丁外亦准於  
泰寧減撤弁兵內撥千總一員兵一百名增隸該  
營惠遠廟既有喇嘛留駐亦准其於阜和營內輪  
派把總或外委一員帶兵三十名駐防泰寧按李  
更換所有泰寧等營請撤之都司二員千總二員  
把總一員兵五百名准其裁汰官弁留於川省題  
補兵丁令其陸續裁汰其撥設弁兵應需衙署營

房准其建造仍令該督確估工料價值數目並動  
用何項銀兩造冊報明戶部工部核銷可也等因  
奉

旨依議

兵部議覆為敬陳酉陽安設事宜以彰

聖化事於雍正十三年八月二十日准總督四川臣黃廷  
桂

奏稱營制兵少不足彈壓而兵多徒滋糜費謹按地

方情形分別區畫擬設遊擊一員中軍守備一員  
千總二員把總四員馬一步九兵八百名分地控  
制請於三合場駐劄遊擊一員千總一員把總三  
員馬步兵五百名於酉陽治駐劄守備一員千總  
一員把總一員馬步兵三百名其邑梅司係極南  
貼近苗疆要地去貴州雙鳳松桃等營甚近晚森  
里之洪安地接湖南重山衛等處新撫苗疆小江  
里之濫泥灣地居石堤下游直達湖南辰州常德

等處大江里之大溪口與荊南之各土司毗連以  
及龔灘龍潭石堤均為要隘請於遊擊營內分撥  
把總二員各帶兵四十名駐防邑梅洪安又撥外  
委二員各帶兵二十名駐防石堤濫泥灣於守備  
營內分撥千總一員帶兵五十名與縣丞同駐龍  
潭又撥外委二員各帶兵十五名一與巡檢同駐  
龔灘一分駐大溪口如此則遊擊控制東南守備  
彈壓西北分佈汛戍犄角防守實屬有益以上營

汛均歸遊擊兼管仍隸重慶鎮統轄其各處小汛塘遞俟設營之後另行隨宜佈置查重慶鎮屬黔彭一營額設遊擊一員守備一員千總二員把總四員兵五百名原為控扼酉陽等五土司而設今既改歸皆成內地該營止有兩縣一汛官兵無庸過多應請抽遊擊一員守備一員千總一員把總二員兵二百名再查重慶鎮標兵二千名分隸三營其數參差不齊應抽兵二百名餘兵一千八百

名均勻配搭始各相稱以上共抽遊擊守備二員  
千把總三員兵四百名移駐新營尚少千總一員  
把總二員兵四百名無可抽撥請召募增設以敷  
其數所存黔彭營千總一員把總二員兵三百名  
應請另設都司一員管轄分防聯絡等語應如該  
督所請准其設立遊擊一員中軍守備一員千總  
二員把總四員馬一步九兵八百名分地控制於  
三合場駐劄遊擊一員千總一員把總三員馬步

兵五百名於西陽司治駐劄守備一員千總一員  
把總一員馬步兵三百名再於遊擊營內分撥把  
總二員各帶兵四十名駐防邑梅洪安又撥外委  
二員各帶兵二十名駐防石堤濫泥灣於守備營  
內分撥千總一員帶兵五十名與縣丞同駐龍潭  
又撥外委二員各帶兵十五名一與巡檢同駐龔  
灘一分駐大溪口以上營汛俱歸遊擊兼管仍隸  
重慶鎮統轄其各處小汛塘遞俟設營之後該督



隨宜佈置仍將分設之處一體造冊報部其重慶鎮屬黔彭營額設遊擊一員守備一員千總二員把總四員兵五百名內准其抽遊擊一員守備一員千總一員把總二員兵二百名又於重慶鎮標三營二千內抽兵二百名共四百名移駐新營尚少千總一員把總二員兵四百名亦准其召募增設以數其數所存黔彭營千總一員把總二員兵三百名准其另設都司一員管轄分防聯絡等因

奉

旨依議

諸葛武侯八陣圖攷附

八陣圖諸葛孔明作在成都府城北七十里新都  
彌牟鎮有廟存焉趙清獻公集記曰武侯於八陣  
鄉以土為隆基凡一百三十所蓋左右六十四前  
二每基下五六寸皆江石也耆老相傳其石蓋六  
數武侯於此教戰陣出入之法舊記謂四面開四

門起六十四魁應六十四卦八八為行周回四百七十二步所謂六十四魁但得其半耳王恭簡公續記曰眉州賢良王當嘗論八陣法刻石廟下論云八陣之法四奇四正基部壁立其體皆方奇正相生風旋日暈其用皆圓蓋方利於止方其體則勢固密故其餘如林不動如山難知如陰此所以為不可犯也圓利於動圓其用則其勢健決故其動如雷其疾如風侵掠如火此所以為不可禦也

其體雖方而圓在其中其用雖圓而方在其內此  
所以為不可測也奇正相循出入往來如環之無  
端體用迭作合散變化如神之不窮圓之為用如  
身使臂如臂使指雖五旅之師師如一身如木百  
圍根株相連各有體統枝葉相屬各有條理雖五  
師之軍軍如一本故其法曰紛紛紜紜闐闐而不  
可亂渾渾沌沌形圓而不可敗圓之為利其來久  
矣圓之為用務以分其勢而散其兵疑其心而亂

其目勢分則陣薄兵散則氣怯心疑則易却目亂則易眩圓之為用以將雜卒卒恃其將以強雜弱弱恃其強將卒相恃理必俱勝強弱相恃勢不偏敗突出爭先鷹揚兔脫不可拒也併力盡怒齊勇如一不可遏也其氣益銳則其節益險如驚湍巨浪不可涉也如層崖峻谷不可越也使敵得之如蟲之著網魚之在筍虎之陷穽是以其將可却其兵可殺其重不可脫八陣之法也營室之法四奇

四正屯亦如之戰陣之法左旋右轉教亦如之教  
之有法必欲其誠蓋誠則久久則天天則神故前  
後相屬首尾相接如得於天如出於地莫知其所  
以然而然者入於神也教之為法築土為壇其形  
皆圓其數皆八壇之高下與人相稱壇之闊狹與  
陣相稱奇旋向左正旋向右旋向左者攻在外也  
旋向右者攻在內也或旋向左或旋向右便其用  
也或攻在內或攻在外素其例也教之為法在家

則依比閭族黨之儀在軍則依伍兩卒旅之法使  
之更相親視有無相通患難相救疾病相扶自比  
以上皆文官主之教之忠厚教之正信教之孝友  
睦嫻教之禮義廉恥自伍以上皆武官主之教之  
出入變化教之射御擊刺教之先登啓行教之破  
陣劫將在家書其美惡而辨其賢愚在軍記其勇  
怯而別其利鈍歲終則以功行差次而進退之使  
之剛而不暴勇而知義入則可與同其安出則可

與共其危故可生可死而不可使犯非義者八陣之法也常山蛇陣安則靜靜則直觸之則動動則圓孫武常山蛇陣杜牧以為八陣勢取桓溫說也傳謂推演兵法作八陣圖演孫武法也八陣取諸八卦欲包併八荒也旌旄旗幟各從其方之色欲別其屬也四維從其三方之色惟西南獨從土色依其相生之數則土實居中也八卦變而為六十四象四陣散而為六十四隊今成都東南隅號曰



棋盤市此舊八陣營也故知其在陣則方城北彌  
牟鎮地方名八陣見存土堆六十四此教閱之所  
也故知其在陣則圓八陣通神明之德類萬物之  
情非有此道不能用也或謂取遁之八卦非也此  
術也非孔明之事也夔州亦有八陣石壘在江濤  
中而彌牟八陣在平地其法一也疑孔明遠慮得  
杜元凱襄陽刻碑之意云今按八陣謂天地風雲  
龍虎鳥蛇八者是也天取其覆地取其載風雲取

其變化龍虎取其動靜鳥蛇取其相應風生於地而虎從之雲騰於天而龍從之鳥為動物必翔於天蛇為蟄物必蟠於地蓋有同位相生之義焉八陣論謂彌牟見存土堆六十四考之舊圖經謂八陣圖凡三在夔州者六十有四方陣法也在彌牟者一百二十有八當頭陣法也在棋盤市者二百五十有六下營法也棋盤市今無其迹彌牟鎮土堆尚存凡一百二十七與清獻集記又不同蓋恐

摧崩之故然其布位參差不齊不可強曉茲繪於左以俟知者

### 八陣圖蹟

蜀志言孔明推演兵法作八陣圖咸得其要今考侯八陣圖凡四其在廣都之八陣鄉者一百二十有八當頭陣法也在魚腹永安宮南江灘水上者六十有四方陣法也在沔陽之高平舊壘者二百五十有六下營法也在益州城東南隅棋盤市者

亦云二百五十有六今無其蹟

八陣本始

風后握奇經曰八陣四為正四為奇餘奇為握奇  
或總稱之先出游軍定兩端天有衡地有軸天地  
前後有衝風附於天雲附於地天衝重列各四隊  
前後之衝各四隊風居四維故以圓地軸單列前  
後之衝各三隊雲居四角故以方天居兩端地居  
中間總為八陣陣訖游軍從後躡敵或驚其左或

驚其右聽音望麾以出四奇天地之前衝為虎翼  
風為蛇蟠圍繞之義也虎居於中張翼以進蛇居  
兩端向敵而蟠以應之天地之後衝為飛龍雲為  
鳥翔突擊之義也龍居其中張翼以進鳥掖兩端  
向敵而翔以應之虛實二壘皆逐天文氣候山川  
向背利害隨時而行以正合以奇勝天地以下八  
重以列或曰握機望敵即引其後以掎角前列不  
動或合而為一因離而為八各隨師之多少觸類

而長

八陣總論

李昭玘曰陣之所以八者自有所祖述蓋其法肇於黃帝具於成周而變化於諸葛孔明非諸葛孔明之獨能為是也昔黃帝潛通八卦而建一都之法默會九天而設三軍之制是以周公則而象之以九夫為井四井為邑四邑為丘四丘為甸四甸為縣四縣為都自九夫之井至於四縣之都而得

乎一都之法又以五人為伍五伍為兩四兩為卒  
五卒為旅五旅為師五師為軍自五人之伍至於  
五師之軍而合乎三軍之制至於孔明則又上探  
黃帝之微意下採成周之遺法因而循之與道神  
之革而化之與時宜之而陣法備焉故其制為八  
陣自九夫為井而演之縱橫皆八而有八八六十  
四陣者所以通乎八卦也立為三軍自五人為伍  
而演之周旋皆九而有九九八十一陣者所以會

乎九天也然則孔明之所祖述者可謂深且遠矣  
非與古人之精神心術流通為一者疇能爾哉雖  
然論其深妙固未易以立談判考其大綱則不過  
奇正二字而已蓋古之制軍合萬二千五百人而  
為軍其為伍者一千一百二十五其為兩者二百  
五十十取三焉而為奇其餘七以為正四奇四正  
而八陣生焉是其分陣之數有奇有正也回旋九  
攢以象天四平正列以象地散渙邪直以為風前



大後銳以為雲天地風雲四者陣之正也延袤綿  
互以為龍蟠前合後開以為虎翼彌漫散合以為  
鳥翔回屈包羞以為蛇蟠龍鳥虎蛇四者陣之奇  
也是其布陣之形有奇有正也天子上將居中而  
不動疑兵游軍出沒而無常是其用陣之勢有奇  
有正也乃若神出鬼沒千變萬化不可致窮則又  
所謂奇正之相生如環之無端者

八陣記

八陣漢丞相諸葛亮經畧中原之所作也壘石為之其跡在夔州魚浦灘自古相傳六十四陣而已易卦為之宗握奇為之原其孰能推之哉孔明乃則河圖之圓而分為四層則洛書之方而分為九軍則井田公私之制而分為中外之營則文王後天卦位而定四奇四正之名西北乾卦也曰天陣西南坤卦也曰地陣東南巽卦也曰風陣東北艮卦也曰雲陣取艮為霧也東方青龍之獸也曰龍

陣西方白虎之獸也曰虎陣南方朱鳥之獸也曰  
鳥陣北方玄武之獸也曰蛇陣中為中軍陣太極  
之位也中軍四象為正四獸為奇四象四獸各以  
六陣相從或四象七陣四獸五陣中軍大將所居  
中中四陣為餘奇大將所握別為游騎三十四陣  
以繫八陣之後陣有八門開闔出入以為變化南  
正手北正足中正身前奇首後奇尾左右奇翼游  
騎爪牙首尾伸縮以為節也兩翼翕張以為權也

爪牙往來以為勢也身體手足鶻立鰲據以為主也氤氲變化為方為圓為曲為直為銳其變無窮不外八陣分合而已後世有以天地衡軸衝分配者有演為天覆地載風揚雲垂龍飛虎翼鳥翔蛇蟠八形者又為三百六十四變合天度之數者不足信也

新都縣八陣圖記

新都楊慎著

諸葛武侯八陣圖在蜀者二一在夔州之永安宮

一在新都之彌牟鎮在夔者蓋侯從先主伐吳防守江路行營布伍之遺制新都為成都近郊則其恒所講武之場也武侯之人品事業前哲論之極詳不復勦同其說獨其八陣有重可慨者史謂侯推演兵法作為八陣咸得其要自令行師更不覆敗深識兵機者所不能洞了蓋勝之於多算而出之於萬全非借一於背城而僥倖於深入也惜乎其方銳意以向中原而溪蠻洞獠左跳右跋以裂

其勢外寇方殷內境自憊使夫八陣之妙不得加  
於二曹三馬之梟敵而乃止試於七縱七擒之孟  
獲天威神算不騁於中原王者之區宇而僅以服  
南中已燹之偏方事機既已遲精力又已虧勇賈  
其餘師用其分以為大舉譬之逐盜救火之家挺  
刃決水猶恐不及而內有讐賊自相乘機胙篋助  
燎則雖有倍人之知力亦自無如之何侯之不幸  
勢正類此天之所壞誰能支之祚去炎漢不待隕

星而後知矣嗟乎國之興亡天也而千載之下君子獨遺恨於蜀漢之事者非以武侯故邪至其故壘遺墟獨為之愛惜不已乃其忠義之激人不獨其法制陣伍之妙也不然則竇憲嘗勒八陣以擊匈奴晉馬隆用八陣以復涼州是在侯前已有之而後亦未嘗亡也功既有成而後世猶罕所稱述况能傳其遺跡至今乎慎嘗放舟過夔門弔永安之宮尋陣圖之跡維時春初水勢正殺自山上俯

視下百餘丈皆聚細石為之凡八行六十四絕土人言夏水盛時沒在深淵水落依然如故在吾新都者其地象城門四起中列土壘約高三尺耕者或剗平之經旬餘復突出此乃其精誠之貫天之所支而不可壞者蓋非獨人愛惜之而已耳慶陽韓君大之以進士出宰吾邑始至拜侯之荒祠次觀遺壘重有感焉謂慎曰之罘篆鏤燕然銘石藝焉爾人不足稱也愛其藝者不泯其跡矧侯之地



而可忽諸今陣圖在夔者有和叔獨孤之記少陵  
東坡之詩四方灼知而此頽泯焉無所表識使往  
來者不軾樵牧者不禁非缺與祠宇行當新之陣  
圖所在欲伐石樹道左大書曰諸葛武侯八陣圖  
碑陰之辭子宜為之夫崇賢存古以示嚮往循良  
事也推表山川考記往昔者史氏職也遂書之使  
刻焉

八陣圖疏

鄭林繪曰臣通攷古今陣法莫有過於軒轅黃帝  
破蚩尤之陣也黃帝按井田作陣法大軍居中專  
主旗鼓八節旋繞悉聽指揮若正北受敵則東北  
西北二兵為奇兵張左右翼以援之若正南受敵  
則東南西南二兵為奇兵張左右翼以援之其正  
東正西及四隅受敵亦如之所謂常山蛇擊其首  
則尾應擊其尾則首應擊其中則首尾相應也古  
之名將知此法者惟太公望孫武子韓信諸葛孔

明李靖諸人而已吳起以下莫能知也一大陣之中固有八陣而小陣之中亦各有八陣大陣則法伏羲八卦小陣則法文王六十四卦所謂陣間乎陣隊間乎隊者也若夫造楯甲有九星開八門用三奇者則又黃帝命風后為之也蓋聖人以神道設教以神其術使人莫知其所以然也大將居於玄武之位而北獸則常山蛇也故曰常山蛇陣諸葛銅鼓紀事

前明萬厯元年巡撫曾省吾平九絲城獲諸葛銅鼓擇其有聲者分天地人三號以獻銅鼓在蠻中視為寶器其有剝蝕而聲響者為上上易牛千頭次易牛七八百頭得鼓二三面即可雄視一方鼓所鑄皆奇文異狀僅可辨者雕刻螭鸞間綴蝦蟆其數皆四舊志所載頗詳要從征伐得之非自然呈現者也

國朝雍正十年閏五月二十五日石工吳占祥目兵


廖君亮等採石至黃螂所五馬寺岩洞內獲銅鼓  
四其形圓高尺許上寬而中束下則敞口面各有  
四水獸如蟾蜍形四周有細花紋皆剝蝕作翡翠  
斑旁有四耳置水上以槓木桴擊之聲極圓潤微  
破者聲愈弘安阜營都司毛龍甲呈送總督黃廷  
桂賁獻

內庭按武侯集銅鼓者諸葛製以鎮蠻往往埋置山谷  
間有云鼓去則蠻運終揆之理數確實不爽

聖天子德威廣播四海一家如黃螭雷波遠近諸蠻久已  
輸誠向化盡入版圖雖以楚道夷疆皆得附郭依  
城耕田鑿井共享昇平之福宜乎地不愛寶上與  
慶雲疊應嘉祥較之武侯集所稱及往代所獲者  
尤為曠古罕覲而總督黃廷桂先以提督出師雷  
黃仰遵

睿算故機畫咸宜帖然懾服茲當綏輯之餘化推結為編  
氓樂業安居納總納結任封疆之重者惟有拜颺

惟忤慶銅鼓之出惟其時矣



四川通志卷二十二中